


820

2 - 76

QWJLC

820

2 - 76



066



ԶԵԿ
ԼՈՒԴՈՆ

ԳԱՅԼԵ

825
L-76

ՊԵՏՀՐԱՍ
ՅԵՐԵՎԱՆ, 1937

825

L-76

ԱՅ

ԶԵԿ ԼՈՆԴՐՈՆ

Գ Ա Յ Լ Ը

Նկարները
և պատճենները

Պուսերներից քարզմանեց
Հ. ՀԱՅՐ Ա. ՊԵՏՍՅԱՆ

ԳԵՏՀՐՈՒՏ

ՀԱՅՅԵՐ ԿԿ ԿԻՑ ՄԱՆԿԱ-ՊԱՏԱՆԵԿԱԿԱՆ ԲԱԺԻՆ
ՅԵՐԵՎԱՆ

1937

ՓՈՐՄ ՅԵՎ. ՄԻԶԻՆ ՀԱՍՏԱԿԻ ՅԵՐԵԱՆԵՐԻ ՀԱՄԱՐ



905
g 37

— Գայլ: Գայլ*: Արի այստեղ, Գայլ,
կանչում եր Մեջը:

Իրվինը յերկու մատը դրեց բերանին
և զիւ սուլոցով շվացրեց:

Խիտ բուսականություն ունեցող բլրից
նրանք ճյուղերի շխկոց լսեցին և ուղղաձիգ
պատից քառասուն վոտ բարձրության վրա
յերեացին Գայլի գլուխը և առջևի թա-
թերը: Գայլը թաթերով մի փոքրիկ քար
հրեց և ականջները սրած, հետեւց, մին-
չեկ վոր քարն ընկավ Մեջի վոտերի մոտ:
Հետո նայեց իր տերերին և բերանը բա-
նալով, ժպտաց վերևից:

— Այ դու, Գայլ, Գայլ, մեր հիանալի
Գայլ,— ակամա գոչեցին յերկուսն ել:

Այս խոսքերը լսելիս շան ականջները

*) Ծան անունն եւ,

դիպան գլխին, իսկ գլուխը, կարծես մի անտեսանելի ձեռքի փայփայանքից, խոնարհաբար թեքվեց:

Նրանք տեսան, թե ինչպես Գայլն անհայտացավ թփերի մեջ, անցնելով այն արահետով, վորով իրենք եյին գնում: Մի քանի բոպեյից հետո, շունը վոլորանից արահետը դուրս թռավ: Նրա յետևից մանրիկ քարերի և հողի հեղեղ թափվեց: Տղամարդը շոյեց շան ուսը և քորեց ականջները, իսկ կինը փայփայեց մի քիչ ավելի և Գայլը վազեց նրանց առջեվից—արահետով, հազիվ գետնին դիպչելով, առանց վորեն ջանքի, ինչպես իսկական գայլ:

Թե՛ մարմնի կազմությամբ և թե՛ բրդի յերկարությամբ, դա մի իսկական մեծ անտառային գայլ եր: Միայն գույնը շան գույնի եր նման: Գայլերն այդ գույնի բուրդ չեն ունենում—մութդարչնագույն, կարմրադեղին բծերով: Կողքերին դարչնի գույնը հետզհետե գունատվում եր և փորի վրա փոխվում դեղինի: Վզի և թաթերի վրա գտնրվող սպիտակ բծերը կեղտոտ տեսք եյին տալիս, վորովհետեւ դարչնի գույնն այնուամենայնիվ թափանցում եր նրանց միջով: Աչքերը վոսկու նման փայլփլում եյին:

Տղամարդն ու կինը շանը շատ եյին

սիրում: Նրանք չափազանց ուժեղ եյին սիրում նրան, գուցե այն պատճառով, վոր նրանց համար շան մտերմությունը ձեռքբերելը հեշտ չեր:

Գայլը նրանց փոքրիկ լեռնային տնակում հայտնվեց, հայտնի չե թե վորտեղից: Շունը սոված եր ու տանջված և նրանց աչքի առջև մի ճագար կերավ: Հետո սողաց առվակի մոտ և պառկեց սև հաղարձի թփի տակ: Յերբ Ուոտ Իրվինը ցած իջավ, վոր մոտիկից դիտի անկոչ հյուրին, շունը մոռացրեց: Նույն ձևով վարվեց շունը, յերբ Մեջը, մի քանի ժամանակից հետո, մի մեծ աման կաթ ու հաց բերավ:

Պարզվեց, վոր Գայլը չափազանց անհաղորդ շուն ե, փայփայանք չի սիրում, չի թողնում, վոր իրեն ձեռք տան, իսկույն ժանիքներն ե ցույց տալիս և մազերը փշաքաղում: Այնուամենայնիվ նա չեր հեռանում, պառկում, քնում եր առվի մոտ և ուտում այն բոլորը, ինչ վոր բերում եյին, սակայն միայն այն ժամանակ, յերբ մենակ եր մնում: Յերեկի այստեղ մնում եր սաստիկ հյուծված լինելու պատճառով: Բայց մի քանի որից հետո, յերբ ուժ հավաքեց, նա անհայտացավ:

Սրանով ել պատմությունը կվերջանար,



յեթե իրվինը գործով նահանգի հյուսիսային
կողմը չգնար: Յերկաթուղու մի կայարանում,
կալիֆորնիայի և Որեգոնի միջև, նա պա-
տահաբար նայեց վագոնի պատուհանից և
տեսավ, վոր իրենց հյուրը վազում է յերկաթ-
գծի մոտով ընկած ճանապարհով, գայլի
նման, թուխ, հոգնած, փոշոտ, կեղտոտ, քայց
անխոնջ: Շունը յերկու հարյուր մղոն ճա-
նապարհորդություն եր կատարել:

Մոտիկ կայարանում իրվինը գնացքից
ցած իջավ, քաղաքի ծայրին գտնվող մաս-
վաճառից մի կտոր միս գնեց և թափառա-
կանին բռնեց: Գայլը վերադասվ ծանրոցի
վագոնով:

Այսպիսով Գայլը յերկորդ անգամ տե-
ղավորվեց լեռնային տնակում:

Այս անգամ շանը մի ամբողջ շաբաթ
շղթայեցին: Տղամարդն ու կինն անընդհատ
հոգում եյին նրա մասին և բացատրում
իրենց սերը: Սակայն ոտար ու հեռավոր,
վորպես ուրիշ մոլորակի ընակիչ, ամենա-
նուրբ սիրային խոսքերին շունը պատաս-
խանում եր մոռոցով: Շունը վոչ մի անգամ
չեր հաջել:

Նրա մտերմությանն արժանանալը հեշտ
խնդիր չեր: Բայց իրվինն այդպիսի խըն-
դիրներ վճռելը սիրում եր: Նա պատվիրեց

մի վզկապ, վրան մետաղե տախտակ, վորի վրա գրված եր՝ «Վերադարձնել Ուստ Իրվինին, Գլին Ելեն, Սոնոմի կոմսություն, Կալիֆորնիա» և վզնոցն անցկացրեց շան վիզը:

Հետո նա շղթան արձակեց և շունն իսկույն անհայտացավ: Մի որից հետո Մենդոզինո կոմսությունից հեռագիր յեկավ: Քսան ժամվա ընթացքում շունը վազել եր հարյուր մղոնից ավելի, միշտ դեպի հյուսիս և իր վազքը կշարունակեր, յեթե չբռնեյին:

Շանը վերադարձրին ապրանքատար գնացքով: Յերեք որ շղթայված մնաց, իսկ չորրորդ որը, հենց վոր շղթան արձակեցին, իսկույն փախավ:

Այս անգամ Գայլը կարողացավ հասնել մինչև հարավային Որեգոն, բայց այնտեղ ել բռնեցին և վերադարձրին Իրվինին: Մյուս անգամ դեղին թափառականը կարողացավ կտրել Կալիֆորնիայի կեսի յերկարությունը, վողջ Որեգոնի նահանգը, Վաշինգտոնի նահանգի մեծ մասը: Նրա արագաշարժությունն ուղղակի գարմանալի յեր:

Հանգստանալով և սնվելով, շունը նոր ուժով ճանապարհ եր ընկնում: Միշտ դեպի հյուսիս եր փախչում, յենթարկվելով մի ինչ վոր անհասկանալի բնազդի:

Վերջի վերջո, մի շարք անհաջող փախուստներից հետո, վոր շարունակվեց մի ամբողջ տարի, շունը հաշտվեց անխուսափելիության հետ և վորոշեց մնալ այն տնակում, վորի պատուհանների տակ յերբեմն ճագար եր սպանել և առվի մոտ քնել:

Շատ ժամանակ անցավ, մինչև Գայլը թողեց, վոր իրեն շոյեն: Իրվինի և իր կնոջ համար դա մի խոշոր հաղթանակ եր, վորովհետեւ շունը, բացի իրենցից, վոչ վոքի չեր թողնում, վոր իրեն ձեռք տան: Գայլը շատ խստաբարո յեր և տնակն այցելողներից վոչ մեկի հետ չմտերմացավ: Իրեն մոտենալու ամենափոքր փորձին պատասխանում եր խուլ մոռոցով: Իսկ յեթե վորեւ համարձակ մարդ անպատճառ ուզում եր մոտենալ, Գայլի շրթունքները շարժվում եյին, սարսափելի ժանիքները յերեսում: Շունն սկսում եր մոռացնել: Շրջակայքում գտնվող բոլոր ապարակատերերի շները վախենում եյին Գայլից: Նրանք սովոր եյին սովորական շան մոռոցին, և յերբեք գայլի մոռոց չեյին լսել:

Իրվինը վոչ մի կերպ չկարողացավ իմանալ, թե ով ե Գայլի առաջվա տերը: Հարեանուհի որիորդ Զոնսոնը, վորը նրանց կաթ եր մատակարարում, հավատացնում եր, վոր շունը Կրնդայկից ե:

Սակայն վոչ վոք նրա կարծիքը չեր ժըստում։ Իսկապես վոր Գայլի ականջների ծայրերը, ինչպես յերեսում եր, մի ժամանակ ցուրտը տարել եր, բայց այնքան ուժեղ, վոր մինչև այսոր չեր բժշկվում։ Հենց իր տեսքով ելնման եր Ալյասկայի շներին, վորոնց նկարը պատահում եր լրագրերում և ժուռնալներում։ Ուստի ու Մեջը հաճախ պատկերացնում եյին շան անցյալ կյանքը հեռու ցուրտ յերկրում։ Նրանք չեյին կասկածում, վոր հյուսիսը դեռևս Գայլին դեպի իրեն եր գրավում։ Յերբեմն, մինչև անգամ գիշերները կամաց լաց եր լինում։ Յերբ փշում եր հյուսիսի քամին և ոդը սառնամանիքոտ եր դառնում, Գայլը չսփազանց անհանգստանում եր և սկսում եր բարձրաձայն և վշտալի վոռնալ։ Վոչ մի դեպքում Գայլը չեր հաջում։

Գայլին ընտանի դարձնելով, իրվինն ու Մեջը շատ եյին վիճում այն մասին, թե իրենցից վորին ե պատկանում և վորին ե ավելի սիրում։ Յուրաքանչյուրն իր իրավուքն եր պաշտպանում, յուրաքանչյուրը հպարտությամբ պատմում եր շան կողմից դեպի իրեն հայտնաբերած քնքությունը։ Մկրում առավելությունն իրվինի կողմն եր, հենց այն պատճառով, վոր նա տղամարդ

եր։ Յերեկի Գայլը յերբեք կանանց հետ գործ չեր ունեցել։ Նա կանանց չեր հասկանում։ Մեջի շրջազգեստը նրա համար լրիվ չափով ընդունելի չեր։ Շրջազգեստի յուրաքանչյուր խշոցից Գայլը կասկածելի կերպով փշաքաղվում եր, և յերբ յեղանակը քամոտ եր, Մեջը շանը մոտենալու մասին յերբեք չեր կարող մտածել։

Գայլին կերակրում եր Մեջը։ Այն ժամերին, յերբ Մեջը խոհանոցումն եր լինում, Գայլը յերկար ժամանակ դուան մոտ կանգնած, սպասում եր իր տանտիրուհուն։ Յեվաստիճանաբար հաղթահարեց իր ատելությունը դեպի նրա հագուստը։ Այս նկատելով, Ուստի շանը սովորեցրեց իր վոտների մոտ պառկել, յերբ նա գրում եր, թեև այդ պատճառով նա ստիպված եր լինում հաճախ կտրվել աշխատանքից, վոր Գայլի շանը և խոսի նրա հետ։ Վերջ ի վերջո հաղթանակը Ուստի կողմը մնաց։

Մի անգամ նրանք զբոսնում եյին արահետում։ Խիտ աճած ձարխոտի միջից մի փոքրիկ առու յեր հոսում։ Առուն ճանապարհը կտրում եր հենց նրանց վոտների մոտից։ Դաշտից լավում եր արտուտի քընքուշ յերգը։ Չորս կողմում դեղին թիթեռներ եյին թուչկոտում, յերբեմն արեգակի ճա-

ուազայթների մեջ լողալով, յերբեմն ստվերում անհայտանալով։ Հանկարծներքնից աղմուկ լսվեց։

Դա ծանր վոտների դոփյուն եր, վորին ժամանակ առ ժամանակ ուղեկցում եր թափվող քարերի աղմուկը։ Վոլորանից մի մարդ դուրս յեկավ։ Նրա գլուխը բաց եր։ Նա սաստիկ քրտնած եր։ Մի ձեռքով նա սրբում եր իր ճակատը, իսկ մյուս ձեռքին կար մի նոր գլխարկ և ուլայած ոձիք, յերեկի վզից նոր եր հանել։ Մարդը հիանալի կազմվածք ուներ, թվում եր, թե նրա մկանների ճնշումից շուտով նոր կոստյումը կճաքվի։

— Տաք որ ե, — ասաց Ուոտը, իբրև բարեւ։
Մարդը կանգնեց ու գլխով արավ։

— Յես տաքի սովոր չեմ, — կարծես արդարանալով ասաց նա։ — Սառնամանիքն ավելի յեմ սիրում։

— Մեզ մոտ սառնամանիքներ չեն լինում, — ծիծաղեց Ուոտը։

— Յես ել այդպես եմ կարծում, պատասխանեց անցորդը։

— Սառնամանիքի չեմ ել սպասի։ Յես միայն ուզում եմ քրոջս գտնել։ Կարելի յեծեզ հայտնի յե, թե վորտեղ ենա ապրում։ Նրան կանչում են Զոնսոն, որիորդ Ուելյամ Զոնսոն։



— Դուք նրա յեղբայրը չեք արդյոք,
կլոնդայկից, — բացականչեց Մեջը և նրա աշ-
քերը հետաքրքրությունից վառվեցին։ Նա
մեզ այնքան ե պատմել ձեր մասին...

— Յես ինքս եմ, վոր կամ, — համեստորեն
պատասխանեց անցորդը։ — Ինձ կանչում են
Սկայֆ Միլեր։ Յես վորոշել եմ անակնկալ
կերպով հայտնվել...

— Դուք միանգամայն ուղիղ եք գնում։
Սա հետևակի արահետ ե։ — Մեջը ցույց
տվեց դեպի ձորը տանող ճանապարհը։ — Տես-
նում եք այն ծառը, վոր կարկուտը կոտրել
ե։ Նրա մոտից ճանապարհը ծովում ե դեպի
աջ։ Սա ձեր քրոջ տունը տանող ամենա-
կարճ ճանապարհն ե։ Մոլորվել չի կարելի։
— Չափազանց շնորհակալ եմ, տիկին, —
ասաց նա։

Նա շուռ յեկավ, կարծես ուզենալով շա-
րունակել ճանապարհը, բայց հանկարծ կանգ-
նեց։

— Մեզ համար շատ հետաքրքրական կը-
լիներ լսել կլոնդայկի մասին, — ասաց Մեջը։
Չի կարելի արդյոք այցելել ձեզ, քանի վոր
դուք ձեր քրոջ հյուրը կլինեք։ Կամ, ավելի
լավ, չեք դա արդյոք մեզ մոտ ճաշի։

— Շատ շնորհակալ եմ, տիկին, շփոթ-
ված կրկնեց նա։ Հետո գլխի ընկավ և ա-

վելացրեց։ — Միայն թե յես յերկար ժա-
մանակով չեմ յեկել։ Յես պետք ե վերա-
դառնամ հյուսիս։ Յես յերեկոյան գնացքով
պետք ե ճանապարհ ընկնեմ։ Յես, գիտեք,
տոմսակ...

Մեջն ասաց, վոր դա շատ ցավալի յե,
և նա արդեն առաջ շարժվեց։

Բայց հանկարծ դուրս յեկավ մինչև այդ
թփերի մեջ վազվզող Գայլը։ Սկայֆ Միլ-
երի դեմքի արտահայտությունը փոխվեց։
Նա աչքերը չուծ նայում եր շանը և նրա
վողջ կերպարանքը մեծ զարմանք եր ար-
տահայտում։

Ախ, սատանան տանի, — դանդաղ և հան-
դիսավոր կերպով ասաց նա։

Նրա ձայնից Գայլի ականջները կախ-
վեցին, իսկ բերանը ժպտուն դարձավ։ Նա
դանդաղ վազեց անծանոթի մոտ և, հոտոտե-
լով նրա ձեռքերը, լիզեց։

Սկայֆ Միլերը շոյեց շան գլուխը և
նորից դանդաղ ու հանդիսավոր կերպով կըրկ-
նեց։

— Ախ, սատանան տանի։ Ներողություն
եմ խնդրում, տիկին, — ասաց նա իսկույն։
Չափազանց զարմացաց... ահա թե ի՞նչ...

— Մենք ել զարմացանք, — ձայն տվեց

ՄԵՋՐ:—ՄԵՆՔ յԵՐԲԵՔ չԵՆՔ տԵՍԵԼ, ՎՈՐ Գայլն
այդպես հանդիպի ոտար մարդկանց:

— Դուք նրան Գայլ եք կանչում,—հարց-
բեց Սկայֆ Միլերը:

— Այո՛: Բայց յես չեմ հասկանում, թե
ինչու շունն այդպես սիրալիր ե դեպի ձեզ:
Հենց նրա համար, վոր դուք կլոնդայկից
եք: Գիտե՞ք, Գայլն ել ե կլոնդայկից:

— Այո՛, տիկին,—անուշադրությամբ բեր-
նիցը թոցը նա: Նա ձեռքն առավ Գայ-
լի առջևի թաթերից մեկը և դիտեց վոտքի
տակը, մատերը քսելով: — Փափուկ ե,—ա-
սաց նա: — Յերեսում ե յերկար ժամանակ
սառուցի վրայով չի վագել:

— Այնուամենայնիվ, ասաց Ուստը, — մի-
անդամայն անհավատալի յե, թե ինչպես Գայ-
լը թույլ ե տալիս իր հետ այդպես վարվել:

Սկայֆ Միլերը տեղից վեր կացավ:
Քիչ առաջ ունեցած անշնորհքությունից,
հետք ել չեր մնացել: Նա կարճ, գործարար
ձայնով հարցը եց.

— Կաղմուց ե ձեզ մոտ:

Բայց այդ ըոպեյին, շունը հանկարծ գլ-
ւումը բարձրացը և հաջեց: Դա մի ու-
րախ հաջոց եր, կարճ, անշնորհք, բայց և
այնպես հաջոց: — Այ, սա արդեն ինչ վոր նոր
բան ե,—նկատեց Սկայֆ Միլերը:



Ուստի ու Մեջը նայեցին իրար՝ Հրաշքը
կատարվեց։ Գայլը հաջեց։

Գայլն առաջին անգամն եւ հաջում, — ասաց
Մեջը։

— Այս, յես եւ յերբեք չեմ լսել, — նկատեց Միլլերը։

Մեջը ժպտաց։ Այդ մարդը յերևի, սիրում եր կատակ անել։

— Դե, իհարկե, — ասաց նա։ — Զե՞ վորդուք նրան առաջին անգամ տեսաք հինգ րոպե առաջ։

Սկայֆ Միլլերն ուշադրությամբ նայեց նրան։

— Իսկ յես կարծում եյի, թե դուք զըլիսի ընկաք, — հանդարտ ասաց նա։ — Դուք պետք եւ զլխի ընկնեյիք, հենց վոր տեսաք թե ինչպէս եւ ինձ հետ վարվում։ Սա իմ շունն եւ Յեվ անունը վոչ թե Գայլ ե, այլ Շեկիկ։

— Ո՞, Ուստի, — ակամա դիմեց Մեջը մարդուն։

Ուստի իսկույն հարձակման դիմեց։

— Ի՞նչ զիտեք, վոր սա ձեր շունն ե, — հարցրեց նա։

— Վորովհետեւ հենց այդպէս ե, — յեղապատասխանը։

— Ինչով կհաստատեք, — ստոր կերպով առարկեց Ուստի։

Սկայֆ Միլլերն աչքերը հանդարտ ուղղեց նրա վրա և ասաց։

— Իսկ ի՞նչ զիտեք, վոր սա ձեր կինն եւ Յերկի կասեք. «հենց այդպես ե», իսկ յես ձեզ կպատասխանեմ. «ինչով կհաստատեք»։ Շունն իմն եւ Յես եմ նրան մեծացրել։ Միթե յես չեմ ճանաչի։ Իսկույն դուք ինքներդ կտեսնեք։

— Շեկիկ, — զոչեց նա։ Այդ ձայնից շան ականջները դեպի գլուխը թեքվեցին, կարծես թե փայփայանքի յեր սպասում։ — Գիշե։ — Շունը կիսաշրջան կատարեց և դեպի աջ ծովեց։ — Այժմ դեպի առաջ։ — Շունը հանկարծ կանգնեց, հետո առաջ վազեց և կանգնեց միայն այն ժամանակ, յերբ նա կանչեց։

— Կարող եմ և սուլոցով, — հպարտորեն ասաց Սկայֆ Միլլերը։ — Շեկիկը գնում երիմ լծասարքի առջնից։

— Բայց դուք շանը չեք տանի ձեզ հետ, — դողդոջուն ձայնով հարցրեց Մեջը։

Միլլերը գլխով արագ։
— Կերպառնում եք այն սարսափելի կլոնդայկը, վորտեղ բոլորն այնպես տանջվում են։

Միլլերը նորից գլխով արավ և ավելացրեց.

— Այնտեղ այնքան ել վատ չեւ նայեցեք ինձ։ Առողջ տղա յեմ, համ։

— Իսկ շներն այնտեղ ի՞նչ նեղություն են քաշում։ Այնպիսի ծանր պայմաններ։ Հոգնեցուցիչ աշխատանք։ Սով, սառնամանիք... Յես կարդացել եմ, յես գիտեմ։

— Մի անգամ քիչ եր մնում, վոր այդ շանն ուտեմ։ Փոքրիկ Զկան գետի մոտ եր, — մոայլորեն արտասանեց Միլլերը։ Միայն թե այդ որը մի մուկ բռնեցի և այդ բանը նրան փրկեց։

— Ավելի շուտ յես կմեռնեյի, — բացականչեց Մեջը։

— Այստեղ ուրիշ կյանք ե, — ասաց Միլերը։ — Ինչու պիտի այստեղ շուն ուտեք։ Իսկ այնտեղ, յերբ գործը հասնի այդ կետին, դուք կականք ուրիշ կերպ դատել։

— Բանն ել հենց այդ ե, — ասաց Մեջը շերմորեն։ — Կալիֆորնիայում շներ չեն ուտում։ Ինչու Գայլին չթունել այստեղ։ Շունը միշտ բավականին ուտելիք ունի, այդ դուք գիտեք։ Շունն այստեղ ցըտից չի տանջվի և ստիպված չի լինի աշխատել։ Այստեղ ամեն ինչ տաք եւ և մեղմ, թե մարդիկ և թե բռնությունը վոչ վոք Գայլին չի ծեծի։ Իսկ

այստեղի յեղանակը, — մինչև անգամ ձյունել չի գալիս։

— Սակայն ամառն այրում ե, ներողություն եմ խնդրում, — ծիծաղեց Սկայֆ Միլերը։

— Դուք ինձ չեք պատասխանում, — շարունակեց Մեջը։ Դուք ի՞նչ կարող եք տալ շանը հյուսիսում։

— Կերակուր, յերբ յես ունեմ, իսկ մեծ մասամբ ունենում եմ։

— Իսկ մնացած ժամանակի։

— Մնացած ժամանակը — վո՞չ։

— Իսկ աշխատանք։

— Աշխատանք շատ կա, — ասաց Միլլերը։

— Աշխատանք առանց հանգստի, և քաղցած կմնա, և կսառչի, և ամեն բան, յեթե Շեկվիկն ինձ հետ գնա։ Միայն թե այդ բոլորը սիրում ե։ Ընտելացել ե։ Շունն այնտեղ ե ծնվելու մեծացել։ Դուք այնտեղ չեք յեղել և մեր կյանքի մասին վոչինչ չգիտեք, իսկ Շեկվիկն այնտեղ իր կյանքից բավական կլինի։

Շունը կմնա այստեղ, — վճռական կերպով հայտնեց Ուոտը։ — Մենք վիճելու վոչինչ չունենք։

— Այսինքն, ինչպես թե, — հարցրեց Միլերն ունքերը կիտելով և կարմրելով։

— Յես ասացի, վոր շունը կմնա այստեղ։

Դա վճռված գործ եւ Յես չեմ հավատում,
թե ձեր շունն եւ Դուք, գուցե, նրան տեսել
եք յերբեկցե։ Գուցե մինչև անգամ տի-
րոջից վերցրել եք վորեւ ճանապարհոր-
դություն կատարելու համար։ Վոր շունը
ձեր կանչերը լսում ե, այդ դեռ վոչինչ չի
հաստատում։ Դրանք Ալյասկայի սովորական
կանչերն են։ Ալյասկայում յուրաքանչյուր
շուն կլաի այդ կանչերը։ Յերեկ Գայլը շատ
թանգ արժե, այդ պատճառով ել ուզում եք
տիրանալ։ Դուք պետք ե հաստատեք, վոր
նրա տերն եք։

Սառնարյուն կերպով և ինքնազսպու-
թյամբ Սկայֆ Միլերն ուշադրությամբ աշ-
քերով չափեց թուլակազմ բանաստեղծին։
Միայն ճակատն ավելի կնճռոտեց, այտերն
ավելի կարմրեցին, իսկ մկանները, ոև մա-
հուդե բաճկոնի տակ, ավելի ուռան։

Վերջապես, նրա դեմքի վրա յերեաց
արհամարհական արտահայտություն և նա
ասաց։

Ճշմարիտ ասեմ, թե այս լոպեյիս ինչն
է խանգարում շունը տանելուն։

Ուստը կարմրեց և ակամայից բռունցքը
սեղմեց։ Սակայն այստեղ մեջ ընկավ Մեջը։

— Կարելի յե պարտն Միլերը ճիշտ ե
ասում։ — սկսեց նա։ — Նա մինչև անգամ

յերեկ ճշմարիտ ե ասում։ Գայլը, կարծես,
ճանաշում ե նրան և, անկասկած արձագան-
քում «Շեկվիկ» անվանը։ Շունն իսկույն
պարոն Միլերի մոտ վազեց, իսկ այդպիսի
բան, դու գիտես, վոր յերբեք չի պատահել։
Հիշիր, թե ինչպես եր հաջում։ Ուրախությու-
նից իրեն կորցրել եր։ Ինչու ուրախացավ։
Յերեկ, նրա համար, վոր հանդիպեց պարոն
Միլերին։

Ուստն անհուսալի կերպով ձեռքը թափա-
հարեց։

— Թերեկս գույ ճիշտ ես ասում, Մեջ,—
ասաց նա։ Գայլը Գայլ չե, այլ «Շեկվիկ» և
պատկանում ե պարոն Միլերին։

— Գուցե պարոն Միլերը շունը կվաճա-
ռի մեզ, — առաջարկեց նա։ Մենք կարող
կլինենք գնել։


Սկայֆ Միլերը գլուխը թափահարեց ար-
դեն վոչ թե մարտական, այլ մեղմ, պատ-
րաստ մեծահոգությանը մեծահոգությամբ
պատասխանելու։

— Յես հինգ շուն ունեյի, — ասաց նա։
Շեկվիկը սոված եր։ Ալյասկայում իմ լծա-
սարքն՝ ամենից լավն եր։ Վոչ վոք չեր կա-
րողանում ինձ հասնել։ 1898 թվին հինգ շան
համար ինձ հինգ հազար դոլար առաջար-
կեցին, բայց յես մերժեցի։ Ճիշտ ե, այն

Ժամանակ շները թանգ եյին։ Լծասարքն ել
ինձ շատ եր դուր գալիս։ Իսկ Շեկվիկը հնգի
մեջ ամենալավն եր։ Վերջին ձմռանը Գայ-
լի համար հազար յերկու հարյուր եյին առա-
ջարկում։ Այն ժամանակ կծախեյի, իսկ հի-
մա չեմ ծախի։ Շեկվիկին չափազանց շատ
եմ սիրում։ Յերբորդ տարին ե, ինչ վորո-
նում եմ։ Յերբ լսեցի, վոր գողացել են, քիչ
մնաց հիվանդանայի։ Մակային վոչ թե փո-
ղի համար, այլ այն պատճառով, վոր շատ,
շատ եմ սիրում։ Յերբ շանն այստեղ տեսա,
աչքերիս չնավատացի, կարծեցի թե յերազ
եմ տեսնում։ Հասկանում եք. յես նրան մե-
ծացրել եմ։ Ամեն գիշեր պառկեցրել եմ
քնելու, փաթաթել եմ։ Մայրը սատկեց, յես
նրան՝ տուփը յերկու դոլլարանոց խտաց-
րած կաթով եյի կերակրում։ Խնայում եյի
կաթն իմ սուրճի մեջ լցնել, բայց նրան կե-
րակրում եյի։ Յես նրա համար մոր փոխա-
րեն եյի։ Պատահում եր, վոր մատս եր ծր-
ծում — ահա այս մատս։

Յեկ Սկայֆ Միլլերը, հուզմունքից իր
ձառն ընդհատելով, ցուցամատը բարձրաց-
րեց։

— Ահա այս մատս, — դժվարությամբ ար-
տասանեց նա, կարծես թե հաստատելով սե-
փականության, և շան իր հետ կապված լի-



նելու իրավունքը՝ նա շարունակում եր նա-
յել իր մատին, յերբ խոսեց Մեջը:
— Իսկ շմենը, — ասաց նա: — Մտածեցեք
շան մասին:

Սկայֆ Միլերը զարմացած նայեց նրան:
— Մտածեցեք շան մասին, — կրկնեց նա:
— Չեմ հասկանում, թե ինչ եք ուզում
ասել, — պատասխանեց նա:

— Չե վոր շունն ել ընտրելու իրավունք
ունի, — շարունակեց Մեջը: — Չե վոր նա յել
կարող ե ունենալ իր ճաշակն ու ցանկու-
թյունը: Դուք շան մասին չեք մտածում,
չեք թողնում, վոր ընտրություն կատարի:
Իսկ ինչ կանեք, յեթե նրա համար կալի-
ֆորնիան ավելի լավ լինի, քան Ալյասկան:
Դուք միայն ձեր մասին եք մտածում, իսկ
նրա հետ այնպես եք վարդում, վոր կար-
ծես կարտոֆիլի տոպրակ լինի կամ մի
խուրձ խոտ...

Սա բոլորովին նոր տեսակետ եր: Միլ-
երն սկսեց մտածել: Մեջն շտապեց ոգտա-
գործել դրությունը:

— Յեթե դուք շանն իսկապես սիրեյիք,
ձեզ համար լավ կլիներ այն, ինչ վոր լավ
ե նրա համար, — համոզում եր նա:

Սկայֆ Միլերը դեռ պայքարում եր իր
դեմ: Մեջը ամուսնու վրա հրձվանքի հա-

յացք զցեց: Մարդը գլխի շարժումով հա-
վանություն տվեց:

— Վերջը, — հարցրեց հանկարծ Միլերը:
Այս անգամ Մեջը շփոթվեց:
— Ի՞նչ եք ուզում ասել:
— Դուք կարծում եք, թե շունը կցան-
կանա մնալ կալիֆորնիայում:

Նա գլխով արավ:

— Համոզված եմ:

Սկայֆ Միլերն աչքը շնից չեռացնե-
լով, մտքի մեջ ընկավ:

— Լավ աշխատող եր: Ինձ համար շատ
լավ եր աշխատում: Յեվ խելոք ե: Այս, ինչ
խելոք ե: Ամեն բան հասկանում ե, միայն
խոսել չի կարողանում: Իսկ հիմա, տես-
նում եք: Նա հասկանում ե, վոր իր մասին
ենք խոսում:

Շունը պառկած եր Սկայֆ Միլերի վոտ-
ակերի մոտ, դունչը թաթերի մեջ առած, ա-
կանջները սրած, աչքերը մի խոսողից մյու-
սի վրա դարձնելով:

Մի յերկու անգամ Սկայֆ Միլերը
բերանը բաց արավ, կրկին փակեց և վո-
չինչ չասաց: Վերջապես խոսեց.

— Ահա թե ինչ կասեմ ձեզ: Դուք, կա-
րելի յե, ճիշտ ասեցիք, տիկին: Շունն իս-
կապես իր կյանքում շատ ե աշխատել: Կա-

ըելի յե, ճիշտ վոր, նա ուզում ե փափուկ
անկողնում քնել: Թող ինքն ընտրի: Ինչ վոր
վորոշի, թող այնպես ել լինի: Դուք յեր-
կուսդ այստեղ նստեցեք, իսկ յես հրաժեշտ
կտամ ու կգնամ: Յեթե կվազի իմ յետեից,
թող գա: Յես նրան չեմ կանչի, դուք ել
չկանչեք:

Նա կասկածանքով նայեց Մեջին և վեր-
ջացրեց.

— Միայն թե ազնվորեն վարվենք: Դուք
նրան ինձնից թաքուն չհամոզեք:

— Մենք ազնվորեն կվարվենք,—ասաց

Մեջը:—Շնորհակալություն, պարոն Միլլեր:

— Ինչու համար եք շնորհակալություն
հայտնում,—առարկեց նա: Տեսնենք թե ինչ
կվորոշե Շեկլիկը: Դուք նրա վրա մինեղա-
ցեք: Յես կամաց կգնամ: Հարյուր քայլ վոր
անեմ, ել չեմ յերևա:

— Իսկ յես խոսք եմ տալիս, վոր նրան
չպահեմ,—ասաց Մեջը:

— Այդպէս: Դե, յես գնացի, — հայտնեց
Սկայֆ Միլլերը:

Այս լսելով, Գայլն արագ գլուխը բարձ-
րացրեց և ավելի արագ վոտքի յելավ, յերբ
տեսավ, վոր Մեջն ու Միլլերն իրար ձեռք
են սեղմում: Նա յետեի վոտների վրա կանգ-
նեց, առջեի վոտներով հենվեց Մեջին և

միաժամանակ լիզեց Սկայֆ Միլլերի ձեռքը:
Նույնը կրկնվեց, յերբ հրաժեշտ եյին տա-
լիս տղամարդիկ:

Սկայֆ Միլլերը շուռ յեկավ և արահե-
տով կամաց գնաց:

Սկզբում շունն աչքերով, ուշադիր և աշ-
խուժացած, ուղեկցում եր նրան, յերեմի,
նկատի ունենալով, վոր կվերադառնա: Հետո,
խուլ ձայնով վնաստաց և վազեց նրա յետե-
վից: Հասավ, շրթունքներով ձեռքը բռնեց և
համառությամբ և քնքշաբար փորձեց կանգ-
նեցնել նրան:

Յերբ այդ չհաջողվեց, Գայլը յետ սլա-
ցավ դեպի այնտեղ, ուր նստած եր Ուստ
իրվինը և նրա թերերի մոտ, իսկ նրանց մի-
ջև յեղած տարածությունը քանի գնում մե-
ծանում եր: Նա վրդովված, տանջող անվրձ-
ուականությամբ սլանում եր մերթ մեկի,

մերթ մյուսի մոտ, չիմանալով, թե ինչ
անի և չկարողանալով ընտրել նրանցից մեկն
ու մեկին վնաստում, շնչասպառ եր լինում:

Բայց ահա նա նստեց, դունչը ցցեց, բե-
րանը ջղածգաբար բաց ու խուփ արավ, ա-



մեն անգամ ավելի լայն բանալով։ Ավելի ուժեղ ու հաճախ կրկնվեցին կոկորդի ջղաձգությունները, յերբ վերջապես դողդողացին ձայնակապերը, սկզբում անձայն, այնպես, ինչպես ձայն ե հանում ողը, ներշնչելիս։ Ապա լսվեց ցածր, ամենացածր ձայնը, վոր կարող ե ընդունել մարդու ականջը։ Այս բոլորը վոռնոցի նախերգանքն եր։

Բայց այնուամենայնիվ Գայլը չփոռնաց։ Նրա լայն բացված բերանը հանկարծ փակվեց և նա սկսեց նայել, հեռացող մարդուց աչքը չհեռացնելով։ Հետո գլուխը շրջեց և սկսեց անթարթ նայել Ուստին։ Կոչն անպատճան մնաց։ Գայլը չեր լսում վո՛չ խոսք, վո՛չ ցուցմունք, վո՛չ ակնարկ այն մասին, թե ինչ անի։

Արդեն ճամփի շրջադարձին մոտեցող հինտիրոջ վրա աչք գցելով, Գայլը նորից հուզվեց։ Նա վոտքի կանգնեց, բայց այդ ժամանակ նրա մեջ նոր միտք հղացավ և նա դարձավ դեպի Մեջը։ Մինչև այժմ շունը նրա վրա ուշադրություն չեր դարձնում, իսկ այժմ, յերբ յերկու տերերն ել իրեն ողնելուց հրաժարվեցին, իր ամբողջ հույսը նրա վրա յեր դրել։ Մոտեցավ Մեջին և գրլուխը թաղեց նրա ծնկների արանքում, քիթը դիպցնելով նրա ձեռքին։ Շունը հա-

ճախ եր այդ միջոցին դիմում, յերբ ուզում
եր վորևե բան խնդրել: Հետո հեռացավ և
սկսեց խաղալ, ցատկելով և կուչ գալով,
ականջները գլխին դիպցնելով, պոչը պըտ-
տացնելով — մի խոսքով աշխատելով իր ամ-
բողջ կերպարանքով արտահայտել այն, ինչ
վոր իրեն անհանգստացնում եր:

Բայց շուտով սրանից ել հրաժարվեց:
Նրան տանջում եր այդ մարդկանց սառնու-
թյունը, վորոնք առաջ յերբեք դեպի ինքն
այսպիսի սառը վերաբերմունք չեյին ունե-
ցել: Մարդիկ իրեն չեյին պատասխանում,
չեյին ուզում ոգնել, ուշադրություն չեյին
դարձնում: Նրանք մեռելի պես եյին:

Շունը շրջվեց և մի առ ժամանակ նա-
յեց հին տիրոջ յետելից: Սկայֆ Միլերը
մոտենում եր ճամփի շրջադարձին: Մի ակըն-
թարթ ել և նա կանհայտանա: Սակայն Միլ-
երը վոչ մի անգամ յետ չնայեց, քայլում
եր հանդարտ և համաշափ, կարծես ինչ վոր
կատարվում եր յետենում, նրան ամենեին
չեր հետաքրքրում:

Այդպես ել նա անհայտացավ վոլորանի
յետենում: Գայլը մի ըոպե յել սպասեց —
կրկին չի յերևա արդյոք: Նա սպասում եր
լուռ, հանդարտ, անշարժ, ինչպես քարե ար-
ձան: Նա մի կարծ հաջոց արձակեց և նո-

րից սկսեց սպասել: Հետո վազեց դեպի Ուստ
իրվինը, հոտոտեց նրա ձեռքը և ընկավ նրա
վոտների մոտ, աչքերը վոլորանից չհեռաց-
նելով:


Փոքրիկ առվակը, վոր հոսում եր մամ-
ուտ քարերի միջով, հանկարծ կարծես թե
ավելի բարձր խոխոջաց: Արտուտիկները յեր-
գում եյին և ուրիշ վոչ մի ձայն չեր խան-
գարում անդորրությունը: Մեծ, դեղին թի-
թեռնիկները թռչկոտում եյին անձայն, փայլ-
փըլում արեկ տակ, թագնվում ստվերում:
Մեջը մարդու վրա հաղթանակող հայացք
գցեց:

Մի քանի վայրկյանից հետո, Գայլը վեր
կացավ: Նրա բոլոր շարժումների մեջ վըճ-
ռականություն եր յերեսում: Նա մինչեւ ան-
գամ տղամարդու և կնոջ վրա չնայեց:
Շունը մի բան վորոշել եր: Նրանք հասկա-
ցան: Գայլի ուշադրությունը դարձված եր
արահետի վրա: Յեվ հասկացան, վոր նրանց
համար փորձարկումն այժմ ե միայն սկըս-
վում: Գայլը վազեց: Մեջը շրթունքները
յերկարացրեց, պատրաստվելով սովորական
սիրալիր շվոցով վերադարձնել նրան: Բայց
շշվացրեց: Նա ակամա նայեց ամուսնու վրա
և նրա աչքերում կարդաց հանդիմանություն:
Մեջը ծանը հառաչեց:

442

470
460

Շունը հետզհետե վազքն արագացրեց:
Վո՞չ մի անգամ յետ չնայեց: Նրա գայլի
պոչը ձգվել եր: Մի թոխքով Գայլը շրջա-
դարձն անցավ ու անհայտացավ:



Տեխ. Խաբագիր՝ Ս. Ալեքսանցիան
Սրբագրիչ՝ Արքականցիան

Դրավիճակի լիազօր. Ա-1201, հրամ. 3829
Պատվեր 1314, տիրած 3000

Պետրակի տպարան, Յեղվան, Ա Կունյանցի, 4





«Ազգային գրադարան



NL0387172

645